

摛藻堂四庫全書薈要

史部

欽定四庫全書

水經注卷二十八

史部

後魏 鄭道元 撰

沔水

案此卷經文又東過堵陽縣至注文習鑿齒又為其宅銘焉原本及近刻並為卷二十九

之首

以又東過襄陽縣北至末為卷

二十八

前後互訛今訂正辨說詳後

又東過堵陽縣堵水出自上粉縣

案堵水出下原本及近刻並有馬字係後

人妄加  
今剛去北流注之

堵水出建平郡界故亭谷

案出近刻作自東歷新城郡郡故漢中

之房陵縣也世祖建武元年封鄧晨為侯國

案比下近刻有也字

漢

末以為房陵郡魏文帝合房陵上庸西城立以為新城郡

以孟達為太守治房陵故縣有粉水縣居其上故曰上粉

縣也堵水之旁有別溪岸側土色鮮黃乃云可啜有言飲

此水者令人無病而壽豈其信乎又有白馬山山石似馬

望之逼真側水謂之白馬塞孟達為守登之而歎曰劉封

申耽據金城千里而更失之乎為上堵吟音韻哀切有惻

人心今水次尚歌之堵水又東北逕上庸郡故庸國也春

秋文公十六年楚人秦人巴人滅庸庸小國附楚楚有

災不救舉羣蠻以叛故滅之以為縣屬漢中郡漢末又

分為上庸郡城三面際水堵水又東逕方城亭南

刻訛而作東北歷峻山下而北逕堵陽縣南北流注於漢

謂之堵口漢水又東謂之澇灘冬則水淺而下多大

石又東為淨灘夏水急盛川多湍洑行旅苦之故謗  
曰冬澇夏淨斷官使命言二灘阻礙

又東過鄖鄉南

案鄉近刻訛作陽下行縣字

漢水又東逕鄖鄉縣南之西山上有石蝦墓倉卒看

之與真不別漢水又東逕鄖鄉縣故城南

案此十一字原本及

近刻竝訛作經謂之鄖鄉灘縣故黎也即長利之鄖鄉矣地

理志曰有鄖關李奇以為鄖子國晉太康五年立以

為縣漢水又東逕琵琶谷口

案此九字原本及近刻竝訛作經

梁益

二州分境於此故謂之琵琶界也

又東北流又屈東南過武當縣東北

縣西北四十里漢水中有洲名滄浪洲庾仲雍漢水

記案近刻謂之千齡洲非也是世俗語訛音與字變

矣地說曰水出荆山東南流

案南近刻訛作西

為滄浪之水

是近楚都故漁父歌曰滄浪之水清兮可以濯我纓

滄浪之水濁兮可以濯我足余按尚書禹貢言導漾

水東流為漢又東為滄浪之水不言過而言為者明

非他水決入也蓋漢沔水自下有滄浪通稱耳纏絡

鄖郢地連紀都

案近刻訛作郢

咸楚都矣漁父歌之不違水

地考按經傳

案近刻訛作洲

宜以尚書為正耳漢水又

東為恨子潭

案此八字原本及近刻竝訛作經

潭中有石磧洲長六

十丈廣十八丈世亦以此洲為恨子葬父於斯故潭

得厥目焉所未詳也漢水又東南逕武當縣故城北

案此十二字原本及近刻竝訛作經

世祖封鄧晨子崇為侯國

案崇近刻訛作

堂內有一碑文字磨滅不可復識俗相傳言是華君

銘亦不詳華君何代之士漢水又東平陽川水注之

案此十字原本及近刻竝訛作經

水出縣北伏親山南歷平陽川逕

平陽故城下又南流注於沔

案注內自此以下又復稱沔

以沔水又

東南逕武當縣故城東又東曾水注之

案近刻脫武當二字及故

字又此十八字原本訛作經近刻上九字訛作經下六字仍屬注文

水導源縣南武當

山一曰太和山亦曰嵒上山山形特秀又曰仙室荆

州圖副記曰山形特秀異於衆嶽峯首狀博山香爐

亭亭遠出蘞食延年者萃焉晉咸和中歷陽謝允舍

羅邑宰隱遁斯山故亦曰謝羅山焉

案近刻脫焉字

曾水發

源山麓逕越山陰東北流注於沔謂之曾口沔水又

東逕龍巢山下

案此九字原本及近刻並訛作經

山在沔水中高十

五丈廣員一里二百三十步山形峻峭其上秀林茂木隆冬不凋

又東南過涉都城東北

案近刻過訛作  
逕城訛作縣

故鄉名也按郡國志筑陽縣有涉都鄉者也漢武帝元封元年案元封近刻訛作元光封南海守降侯子嘉為侯國均水於縣入沔謂之均口也

又東南過鄼縣之西南

縣治故城南臨沔水謂之鄼頭漢高帝五年封蕭何

為侯國也薛瓚曰今南鄉鄧頭是也茂陵書曰在南

陽王莽更名南庚者也

案庚近刻訛作庚

又南過穀城東又南過陰縣之西

沔水東逕穀城南而不逕其東矣城在穀城山上春秋穀伯綏之邑也墉闥頽毀基塹亦存沔水又東南逕陰縣故城西故下陰也春秋昭公十九年楚工尹赤遷陰於下陰是也縣東有冢

案近刻脫冢字

縣令濟南劉

熹字德怡魏時宰縣雅好博古教學立碑

案教學近刻訛作學

教載生徒百有餘人不終業而夭者因葬其地號曰

生墳沔水又東南得洛溪口

案此九字原本及近刻並訛作經

水出

縣西北集池陂東南流逕洛陽城北枕洛溪

案枕近刻訛作經

抗溪水東南注沔水也

又南過筑陽縣東

案近刻脫縣字

筑水出自房陵縣東過其縣

南流注之

案此十五字原本訛入注內近刻屬經文

沔水又南汎水注之

案水下近刻衍流字

水出梁州閻陽縣魏

遣夏侯淵與張郃下巴西進軍宕渠劉備軍汎口即

是水所出也張飛自別道襲張郃於此水郃敗棄馬升山走還漢中汎水又東逕巴西歷巴渠北新城上庸東逕汎陽縣故城南晉分筑陽立自縣以上山深水急枉渚崩湍水陸徑絕又東逕學城南

案此六字原本及近

刻竝訛作經考上下文義乃注內叙汎水所逕

梁州大路所由也舊說昔者

有人立學都於此值世荒亂生徒罔依遂共立城以禦難故城得厥名矣汎水又東流注於沔謂之汎口也沔水又南逕闕林山東本郡陸道之所由山東有

二碑其一即記闕林山文曰君國者不躋高堙下先

時或斷山岡以通平道民多病守長冠軍張仲瑜

案近

刻訛作踰乃與邦人築斷故山道作此銘其一郭先生碑

先生名輔字甫成有孝友悅學之美其女為立碑於

此竝無年號皆不知何代人也沔水又南逕筑陽縣

東

案此九字原本及近刻竝訛作經

又南筑水注之杜預以為彭水

也水出梁州新城郡魏昌縣界縣以黃初中分房陵  
立筑水東南流逕筑陽縣水中有孤石挺出其下澄

潭時有見此石根如竹根而黃色見者多凶相與號  
為承受石所未詳也筑水又東逕筑陽縣故城南縣  
故楚附庸也秦平鄢郢立以為縣王莽更名之曰宜  
禾也建武二十八年案近刻訛作元年世祖封吳盱為侯國  
案盱近刻訛作財筑水又東流注於沔謂之筑口沔水又南  
逕高亭山東山有靈焉士民奉之所請有驗沔水又  
東為漆灘案此七字原本及近刻竝訛作經新野郡山都縣與順陽  
筑陽分界於斯灘矣

# 又東過山都縣東北

河南有固城城側沔川即新野山都縣治也舊南陽之赤鄉矣秦以為縣漢高后四年封衛將軍王恬啓為侯國沔北有和城即郡國志所謂武當縣之和城聚案近刻脫城字山都縣舊嘗治此故亦謂是處為故縣灘沔水北岸數里有大石激名曰五女激或言女父為人所害居固城五女思復父怨故立激以攻城城北今淪於水亦云有人葬沔北墓宅將為水毀其人五

女無男皆悉巨富共修此激以全墳宅然激作甚工  
又云女嫁為陰縣恨子婦

案近刻脫婦字

家貲萬金

案貲近刻訛作

貨

而自少小不從父語父臨亡意欲葬山上恐兒不

從故倒言葬我著渚下石磧上

案倒近刻訛作命

恨子曰我

由來不奉教今從語遂盡散家財作石冢積土繞之

成一洲長數百步元康中始為水所壞今石皆如半

榻許數百枚聚在水中恨子是前漢人襄陽太守胡

烈有惠化補塞堤決民賴其利景元四年九月百姓

刊石銘之樹碑於此沔水又東偏淺冬月可涉渡謂之交湖兵戎之交多自此濟晉太康中得鳴石於此水撞之聲聞數里沔水又東逕樂山北案此八字原本及近刻並訛作經昔諸葛亮好為梁甫吟每所登遊故俗以樂山為名沔水又東逕隆中案此七字原本及近刻並訛作經歷孔明舊宅北亮語劉禪云先帝三顧臣於草廬之中咨臣以當世之事即此宅也車騎沛國劉季和之鎮襄陽也與犍為人李安共觀此宅命安作宅銘云天子命我

於沔之陽聽鼓鞞而永思庶先哲之遺光後六十餘

年永平之五年習鑿齒又為其宅銘焉

案又東過堵陽縣至此原

本及近刻竝訛在沔水之末以沔水下表目而又東過襄陽縣北至注內附叙三江所終竝訛在前以沔

水中表目考錫縣故城在今陝西興安州白河縣東接堵陽故城在今湖北鄖陽府鄖縣西南白河縣東接

鄖縣沔水逕錫縣北歷姚方即至堵陽又隆中在今襄陽縣西二十里襄陽故城即今縣治沔水逕隆中接

歷孔明舊宅即至襄陽城移近刻所謂沔水下者於沔水中之前則叙次不紊矣今改正

又東過襄陽縣北案又東上原本及近刻竝有沔水二字因訛舛為卷二十八之首故表水

人名於上乃後  
妄加

沔水又東逕萬山北

案萬近刻訛作方

山上有鄒恢碑魯宗

之所立也山下潭中有杜元凱碑元凱好尚後名作

兩碑竝述已功一碑沈之峴山水中一碑下之於此

潭曰百年之後何知不深谷為陵也山下水曲之隈

云漢女昔遊處也故張衡南都賦曰遊女弄珠於漢

臯之曲漢臯即萬山之異名也沔水又東合檀溪水

案此八字原本及近刻竝訛作經水出縣西柳子山下東為鴨湖湖

在馬鞍山東北武陵王愛其峯秀改曰望楚山溪水

自湖兩分北渠即漢水所導也北逕漢陰臺西臨流  
望遠按眺農圃情邈灌蔬意寄漢陰故因名臺矣又  
北逕檀溪謂之檀溪水水側案近刻脫一水字有沙門釋道  
安寺即溪之名以表寺目也溪之陽有徐元直崔州  
平故宅悉人居故習鑿齒與謝安書云每省家舅縱  
目檀溪念崔徐之交未嘗不撫膺躊躇惆悵終日矣  
溪水傍城北注昔劉備為景升所謀乘的顱馬西走  
墜於斯溪西去城里餘北流注於沔一水東南出應

劭曰城在襄水之陽故曰襄陽是水當即襄水也城

北枕沔水即襄陽縣之故城也王莽之相陽矣楚之

北津戍也今大城西壘是也其土古鄢鄀盧羅之地

案都近刻訛作都秦滅楚置南郡號此為北部建安十三年

魏武平荊州分南郡立為襄陽郡荊州刺史治邑居  
殷賑冠蓋相望一都之會也城南門道東有三碑一

碑是晉太傅羊祜碑一碑是鎮南將軍杜預碑一碑

是安南將軍劉儼碑竝是學生所立城東門外二百

步劉表墓太康中為人所發見表夫妻其尸儼然顏色不異猶如平生墓中香氣遠聞三四里中經月不歇今墳冢及祠堂猶高顯整頓城北枕沔水水中常苦蛟害襄陽太守鄧遐負其氣果拔劍入水蛟繞其足遐揮劍斬蛟流血丹水自後患除無復蛟難矣昔張公遇害亦亡劍於是水後雷氏為建安從事逕踐瀨溪所留之劍忽於其懷躍出落水初猶是劍後變為龍故吳均劍騎詩云劍是兩蛟龍張華之言不孤

為驗矣沔水又逕平魯城南

案此八字原本及城魯近刻竝訛作經

城魯

宗之所築也故城得厥名矣東對樊城

案近刻脫此二字

樊

仲山甫所封也漢晉春秋稱桓帝幸樊城百姓莫不

觀有一老父獨耕不輟議郎張溫使問焉父笑而不

答溫因與之言問其姓名不告而去城周四里南半

淪水建安中關羽圍于禁於此城會沔水泛溢三丈

有餘城陷禁降龐德奮劖乘舟投命於東岡魏武曰

吾知于禁三十餘載至臨危授命更不如龐德矣城

西南有曹仁記水碑杜元凱重刊其後書伐吳之事也

又從縣東屈西南清水從北來注之

襄陽城東有東白沙白沙北有三洲東北有宛口即  
清水所入也沔水中有魚梁洲案此七字原本及  
近刻竝訛作經龐

德公所居士元居漢之陰在南白沙世故謂是地為  
白沙曲矣司馬德操宅洲之陽望衡對宇歡情自接  
泛舟褰裳率爾休暢豈待還桂柁於千里貢深心於

永思哉水南有層臺號曰景升臺蓋劉表治襄陽之所築也言表盛遊於此常所止憩表性好鷹嘗登此臺歌野鷹來曲其聲韻似孟達上堵吟矣沔水又逕桃林亭東案此八字原本及近刻並訛作經又逕峴山東山上有桓宣所築城孫堅死於此又有桓宣碑羊祜之鎮襄陽也與鄒潤甫嘗登之及祜薨後人立碑於故處望者悲感杜元凱謂之墮淚碑山上又有征南將軍胡羆碑又有征西將軍周訪碑山下水中杜元凱沈碑處

案近刻  
脫沈字

河水又東南逕蔡洲

案此八字原本及  
近刻並訛作經

漢長

水校尉蔡瑁居之故名蔡洲洲東岸西

案東近刻  
訛作大

有

洄湖停水數十晦長數里廣減百步水色常綠楊儀  
居上洄楊顥居下洄與蔡洲相對在峴山南廣昌里

又與襄陽湖水合水上承鴨湖東南流逕峴山西又

東南流注白馬陂水又東入侍中襄陽侯習郁魚池

郁依范蠡養魚法作大陂陂長六十步廣四十步池

中起釣臺池北亭郁墓所在也列植松篁於池側汎

水上郁所居也又作石洑案洑近刻訛作伏引大池水於

宅北作小魚池池長七十步廣二十步

案近刻訛作十二步西

枕大道東北二邊限以高堤楸竹夾植蓮芡覆水是

遊宴之名處也山季倫之鎮襄陽每臨此池未嘗不

大醉而還恒言此是我高陽池故時人為之歌曰山

公出何去往至高陽池日暮倒載歸酩酊無所知其

水下入沔沔水西又有孝子墓河南秦氏性至孝事

親無倦親沒之後負土成墳常泣血墓側人有咏蓼

義者氏為泣涕悲不自勝於墓所得病不能食虎常  
乳之百餘日卒今林木幽茂號曰孝子墓也其南有  
蔡瑁冢冢前刻石為大鹿狀甚大頭高九尺制作甚  
工沔水又東南逕邑城北案此九字原本及近刻並訛作經習郁襄  
陽侯之封邑也故曰邑城矣沔水又東合洞口案此七字  
原本及近刻並訛作經水出安昌縣故城東北大父山西南流  
謂之白水又南逕安昌故城東屈逕其縣南縣故蔡  
陽之白水鄉也漢元帝以長沙卑溼分白水上唐二

鄉為春陵縣光武即帝位改為章陵縣置園廟焉魏黃初二年更從今名故義陽郡治也白水又西南流

而左會昆水水導源城東南小山西流逕金山西北

近刻訛  
作今

又西南流逕縣南西流注於白水水北有白

水陂其陽有漢光武故宅基址存焉所謂白水鄉也

蘇伯阿

案近刻  
訛作河

望氣處也光武之征秦豐幸舊邑置

酒極懼張平子以為真人南巡觀舊里焉東觀漢記

曰明帝幸南陽祀舊宅名校官子弟作雅樂奏鹿鳴

上自御墳築和之以娛賓客又於此宅矣白水又西合瀘水水出於襄鄉縣東北陽中山西逕襄鄉縣之故城北按郡國志是南陽之屬縣也瀘水又西逕蔡陽縣故城東西南流注於白水又西逕其城南建武十三年案近刻訛作十六年世祖封城陽王祉世子本為侯國應劭曰蔡水出蔡陽東入淮今於此城南更無別水惟是水可以當之川流西注苦其不東且淮源阻礙山河無相入之理蓋應氏之誤耳洞水又西南流注

於沔水

又東過中廬縣東維水自房陵縣維山東流注之

案維近刻

作淮漢書同漢中志及巴漢志並云房陵縣有維山維水所出可證淮字之訛

縣即春秋廬戎之國也縣故城南有水出西山山有石穴出馬謂之馬穴山漢時有數百匹馬出其中馬形小似巴滇馬三國時陸遜攻襄陽於此穴又得馬數十匹送建業蜀使至有家在滇池者識其馬毛色云其父所乘馬對之流涕其水東流百四十里逕城

南名曰浴馬港言初得此馬洗之於此因以名之亦  
云乘出沔次浴之又曰洗馬廬案近刻訛作既渡沔宿處名  
之曰騎亭然候水諸蠻案候近刻訛作侯北遏是水南壅維  
川以周田溉下流入沔沔水東南流逕犁丘故城西

案犁近刻訛作黎下同又此一字原本及近刻竝訛作經

其城下對繕州秦豐

居之故更名秦洲王莽之敗也秦豐阻兵於犁丘犁  
丘城在觀城西二里建武三年光武遣征南岑彭擊  
豐四年朱祐自觀城擒豐於犁丘是也案擒近刻訛作淪沔

水又南與疎水合水出中廬縣西南東流至郎縣北

界

案郎近刻訛作郎

東入沔水謂之疎口也

案近刻

水中有

物如三四歲小兒鱗甲如鯀鯉射之不可入七八月

中好在磧上自曝

案上近刻訛作中

鄰頭似虎掌爪常沒水

中出鄰頭小兒不知欲取弄戲便殺人或曰人有生

得者摘其臯厭可小小使

案近刻

作可以小使名為水虎者也

案虎近刻訛作唐

又南過郎縣東北

案郎近刻訛作郎

沔水之左有騎城周迴二里餘高一丈六尺即騎亭  
也縣故楚邑也秦以為縣漢高帝十一年

案近刻訛作十二年

封黃極忠為侯國縣南有黃家墓墓前有雙石闕形制甚工俗謂之黃公闕黃公名尚為漢司徒沔水又

東逕豬蘭橋橋本名木蘭橋橋之左右豐蒿荻於橋東劉季和大養豬裏陽太守曰此中作豬屎臭

案近刻脫

字可易名豬蘭橋百姓遂以為名矣橋北有習郁宅

宅側有魚池池不假功自然通洫長六七十步廣十

丈常出名魚沔水又南得木里水會

案此九字原本及近刻並訛作

經

楚時於宜城東穿渠上口去城三里漢南郡太守

王寵又鑿之引蠻水灌田謂之木里溝逕宜城東而

東北入於沔謂之木里水口也

又南過宜城縣東夷水出自房陵東流注之

夷水蠻水也桓溫父名夷改曰蠻水夷水導源中廬

縣界康狼山山與荆山相鄰其水東南流歷宜城西

山謂之夷溪又東南逕羅川城故羅國也又謂之鄖

水春秋所謂楚人伐羅渡鄢者也夷水又東南流與零水合零水即汎水也

案汎近刻  
訛作汎

上通梁州沒陽縣

之默城山司馬懿出沮之所由其水東逕新城郡之

汎鄉縣

案郡近刻訛作縣又下汎皆訛作汎

縣分房陵立謂之汎水

又東歷軫鄉謂之軫水晉武帝平吳割臨沮之北鄉

中廬之南鄉立上黃縣治軫鄉汎水又東歷宜城西

山謂之汎溪東流合於夷水謂之汎口也與夷水亂

流東出謂之淇水逕蠻城南城在宜城南三十里

案城

在之城近刻訛  
在上句南字上

春秋莫敖自羅敗退及鄢亂次以濟

淇水是也夷水又東注於沔昔白起攻楚引西山長  
谷水

案近刻  
脫長字

即是水也

案也上近  
刻衍者字

舊堨去城百許里

水從城西灌城東入注為淵今熨斗陂是也水潰城

東北角百姓隨水流死於城東者數十萬城東皆臭

因名其陂為臭池後人因其渠流以結陂田城西陂

謂之新陂覆地數十頃西北又為土門陂從平路渠

以北木蘭橋以南西極土門山東跨大道水流周通

其水自新陂東入城城故鄖郢之舊都秦以為縣漢惠帝三年改曰宜城其水歷大城中逕漢南陽太守秦頡墓北墓前有二碑頡都人也案郡近以江夏都刻作郡以江夏都尉出為南陽太守逕宜城中見一家東向頡住車視之曰此居處可作家後卒於南陽喪還至昔住車處車不肯進故吏為市此宅葬之孤墳尚整案此下近有二碑五字案此下近係重出衍文城南有宋玉宅玉邑人雋才辯給善屬文而識音也其水又逕金城前縣南門有古碑猶存

其水又東出城東注臭池臭池溉田陂水散流又入朱湖陂朱湖陂亦下灌諸田餘水又下入木里溝木里溝是漢南郡太守王寵所鑿故渠引鄢水也灌田七百頃白起渠溉三千頃膏良肥美更為沃壤也縣有太山山下有廟漢末名士居其中案近刻名訛作多脫居字刺史二千石卿長數十人朱軒華蓋同會於廟下荊州刺史行部見之雅歎其盛號為冠蓋里而刻石銘之此碑於永嘉中始為人所毀其餘文尚有可傳者其

辭曰峨峨南岳烈烈離明實敷雋乂君子以生惟此

君子作漢之英德為龍光聲化鶴鳴此山以建安三

年崩聲聞五十里雉皆屋雊縣人惡之以問侍中

龐季

案問近刻訛作聞

季云

案近刻脫季字

山崩川竭國土將亡之

占也十三年魏武平荊州沔南彫散沔水又逕鄀縣

故城南

案此九字原本及近刻竝訛作經

古鄀子之國也秦楚之間

自商密遷此為楚附庸楚滅之以為邑縣南臨沔津

津南有石山上有古烽火臺縣北有大城楚昭王為

吳所迫自紀郢徙都之

案近刻

脫自

即所謂郢都盧

羅之地也

案即字近刻訛  
在楚昭王上

秦以為縣沔水又東教水

注之

案此八字原本及  
近刻竝訛作經

水出新市縣東北又西南逕

太陽山西南流逕

新市縣北又西南而右合枝水水

出大洪山而西南流逕

襄陽郡縣界西南逕狄城東

南左注教水教水又西南流注於沔實曰教口沔水

又南逕石城西城因山為固晉太傅羊祜鎮荊州立

晉惠帝元康九年分江夏西部置竟陵郡治此沔水

又東南與臼水合

案此九字原本及近刻竝訛作經

水出竟陵縣東

北聊屈山

案聊近刻訛作耶

一名盧屈山西流注於成臼謂是水者也

又東過荊城東

案此六字原本及近刻竝訛入

沔水自荊城東南流逕當陽縣之章山東

案此十六字原本及

近刻竝訛作經

山上有故城太尉陶侃伐杜曾所築也禹貢

所謂內方至於大別者也既濱帶沔流實會尚書之文矣

沔水又東右會權口

案此八字原本及近刻竝訛作經

水出章

山東南流逕權城北古之權國也春秋魯莊公十八

年楚武王克權權叛圍而殺之遷權於那處是也東

南有那口城權水又東入於沔沔水又東南與揚口

合

案此九字原本及近刻竝訛作經

水上承江陵縣赤湖江陵西北

有紀南城楚文王自丹陽徙此平王城之班固言楚

之郢都也城西南有赤坂岡岡下有瀆水東北流入

城名曰子胥瀆蓋吳師入郢所開也謂之西京湖又

東北出城西南注於龍陂陂古天井水也廣圓二百

餘步在靈溪東江堤內水至淵深有龍見於其中故

曰龍陂陂北有楚莊王釣臺高三丈四尺南北六丈

東西九丈陂水又逕郢城南東北流謂之揚水

案揚近刻

訛作楊下同又東北路白湖水注之

案路白近刻訛作流曰

湖在大

港北港南曰中湖南堤下曰昏官湖三湖合為一水

東通荒谷荒谷東岸有治父城春秋傳曰莫敖縊於

荒谷羣帥囚於治父謂此處也春夏水盛

案夏近刻訛作秋

則南通大江否則南迄江堤北逕方城西

案近刻訛作四

方

城即南蠻府也又北與三湖會故盛弘之曰南蠻府東有三湖源同一水蓋徙治西府也宋元嘉中通路白湖案白近刻訛作自下注揚水以廣運漕揚水又東歷天

井北井在方城北里餘廣圓二里其深不測井有潛室見輒兵西岸有天井臺因基舊堤臨際水渭遊憩之佳處也揚水又東北流東得赤湖水口案東得近刻訛作得

東湖周五十里城下陂池皆來會同湖東北有大暑

臺案暑近刻訛作置高六丈餘縱廣八尺一名清暑臺秀宇

層明通望周博遊者登之以暢遠情揚水又東入華

容縣有靈溪水

案溪近刻訛作港

西通赤湖水口已下多湖

五十里城下陂池皆來會同又有子胥瀆蓋入郢所開也水東入離湖湖在縣東七十五里國語所謂

楚靈王闕為石郭陂漢以象帝舜者也

案吳語子胥稱楚靈王不

君乃築臺於章華之上闕為石郭陂漢以象帝舜章昭云闕穿也陂壅也舜葬九疑其山體水旋其丘下故壅漢水使旋石郭以象之

湖側有章華臺臺高十丈基廣十五丈左丘明曰楚築臺於章華之上韋昭以為章華亦

地名也王與伍舉登之舉曰臺高不過望國之氣祥  
大不過容宴之俎豆蓋譏其奢而諫其失也言此瀆  
靈王立臺之日漕運所由也其水北流注於揚水揚  
水又東北與柞溪水合案柞近刻訛作祥下同水出江陵縣北  
蓋諸池散流咸所會合積以成川東流逕魯宗之壘  
南當驛路水上有大橋隆安三年桓玄襲殷仲堪於  
江陵仲堪北奔縊於此橋柞溪又東注船官湖湖水  
又東北入女觀湖湖水又東入於揚水揚水又北逕

竟陵縣西又北納巾吐柘柘水即下揚水也巾水出

縣東百九十里西逕巾城

案此下近刻行下字

城下置巾水戍

晉元熙二年竟陵郡巾水戍

案近刻行中水戍山

得銅鐘七

口言之上府巾口水又西逕竟陵縣北西注揚水

案近刻注

訛作逕謂之巾口水西有古竟陵大城古鄖國也鄖公

辛所治所謂鄖鄉矣昔白起拔郢東至竟陵即此也

秦以為縣王莽之守平矣世祖建武十三年更封劉

隆為侯國城旁有甘魚陂左傳昭公十三年公子黑

肱為令尹次於魚陂者也揚水又北注於沔謂之揚  
口中夏口也曹太祖之追劉備於當陽也張飛按矛  
於長坂備得與數騎斜趨漢津案斜近刻訛作即遂濟夏口

是也沔水又東得灘口其水承大灘馬骨諸湖水周  
三四百里及其夏水來同渺若滄海洪潭巨浪縈連  
江沔故郭景純江賦云其旁則有朱灘丹灘是也案朱

近刻訛  
作珠

又東南過江夏雲杜縣東夏水從西來注之

即堵口也為中夏水縣故邵亭左傳若敖娶於邵是

也

案近刻訛作左傳所為若敖聚於邵是也

禹貢所謂雲土夢作又故縣

取名焉縣有雲夢城

案城在東北沔水又東逕左桑此

七字原本及近刻竝訛作經

昔周昭王南征船人膠舟以進之昭

王渡沔中流而沒死於是水齊楚之會齊侯曰昭王

南征而不復

案而近刻訛作之

寡人是問屈完曰君其問諸

水濱庾仲雍言村老云百姓佐昭王喪事於此成禮而行故曰佐喪左桑字失體耳沔水又東合巨亮水

口

案此九字原本及近刻竝訛作經

水

北承巨亮湖原本及近刻

脫巨字

南達於

沔

水又東得合驛口

案此八字原本及近刻竝訛作經

庾仲雍言

須尊村耆舊云朝廷驛使合王喪於是因以名焉今

須尊村正有大斂口言昭王於此殯斂矣沔水又東

謂之橫桑

案此八字原本及近刻竝訛作經

言得昭王喪處也沔水

又東謂之鄭公潭

案此九字原本及近刻

脫公字

言鄭武公

與王同溺水於是余謂世數既懸

案余近刻訛作今

為不近

情矣斯乃楚之鄭鄉守邑大夫僭言公故世以為鄭

公潭耳沔水又東得死沔

案此七字原本及近刻竝訛作經

言昭王

濟沔自是死

案沔字近刻訛在死字下

故有死沔之稱王尸豈逆

流乎但千古茫昧難以昭知推其事類似是而非矣

沔水又東與力口合

案此八字原本及近刻竝訛作經

有魄水出竟

陵郡新陽縣西南池河山

案池河山近刻訛作河地山

東流逕新

陽縣南縣治雲杜故城分雲杜立魄水又東南流注宵城縣南大湖又南入於沔水是曰力口沔水又東

南湏水入焉

案此九字原本及近刻竝訛作經

沔水又東逕沌水口

水南通縣之太白湖湖水東南通江又謂之沌口沔水又東逕沌陽縣北案此九字原本及近刻竝訛作經處沌水之陽也沔水又東逕臨嶂故城北案臨嶂近刻訛作林鄣晉建興二年太尉陶侃為荊州鎮此也

又南至江夏沙羨縣北南入於江

庾仲雍曰夏口一曰沔口矣尚書禹貢云漢水南至大別入江春秋左傳定公四年吳師伐郢楚子常濟漢而陳自小別至於大別京相璠春秋土地名曰大

別漢東山名也在安豐縣南杜預釋地曰二別近漢之名無緣乃在安豐也案地說言漢水東行觸大別之阪案近刻訛作陂南與江合則與尚書杜預相符但今不知所在矣案訛在近刻作是

欽定四庫全書

卷二十八



水經注卷二十八



總校官庶吉士臣張能照  
校對官庶吉士臣徐如澍  
謄錄監生臣張駿

欽定四庫全書叢要

史部

水經注卷二十九

三十

詳校官編修臣繆晉



欽定四庫全書薈要卷七千六百四十 史部

水經注卷二十九

後魏 鄭道元 撰

河水

潛水

湍水

均水

粉水

白水

比水

河水與江合流又東過彭蠡澤

尚書禹貢匯澤也鄭玄曰匯回也漢與江鬪轉東成其澤矣

又東北出居巢縣南

案此經及下又東過牛渚當在其一東北流之下又過毗陵縣北為北江之上

古巢國也湯伐桀桀奔南巢即巢澤也尚書周有巢

伯來朝春秋文公十二年夏楚人圍巢巢羣舒國也

舒叛故圍之永平元年漢明帝更封菑丘侯劉般為

侯國也江水自濡須口又東左會柵口水導巢湖

案尊

近刻訛作遵東逕烏上城北又東逕南譙僑郡城南又東

絕塘逕附農山北又東左會清溪水水出東北馬子

硯之清溪也東逕清溪城南屈而西南

案此下近刻有流字歷

山西南流注柵水謂之清溪口柵水又東左會白石

山水水發白石山西逕李鵠城南西南注柵水

案西近南

刻訛作西流

柵水又東南積而為寶湖中有洲湖東有韓

綜山

案綜近刻訛作縱

山上有城山北湖水東出為後塘北

湖湖南即塘也塘上有潁川僑郡故城也寶湖水東

出謂之寶湖口東逕刺史山北

案東逕近刻湖水東出逕

作歷韓

綜山南逕流二山之間出王武子城北城在刺史山

上湖水又東逕右塘穴北為中塘塘在四水中水出

格虎山北山上有虎山城

案近刻  
脫城字

有郭僧坎城水北

有趙祖悅城竝故東關城也昔諸葛恪帥師作東興

堤以遏巢湖傍山築城使將軍全端留畧等各以千

人守之魏遣司馬昭督鎮東諸葛誕率衆攻東關三

城將毀堤遏諸軍作浮梁陳於堤上分兵攻城恪遣

冠軍丁奉等登塘鼓譟奮擊

案塘近刻  
訛作城

朱異等以水

軍攻浮梁魏征東胡遵軍士爭渡梁壞投水而死者

數千塘即東興堤城亦關城也柵水又東南逕高江

產城南胡景畧城北

案近刻  
脫畧字

又東南逕張祖禧城南

東南流屈而北逕鄭衛尉城西魏事已久難用取悉  
推舊訪新畧究如此又北委折蒲浦出焉柵水又東

南流注於大江謂之柵口

案此下近刻  
有水字衍

又東過牛渚縣南又東至石城縣

案牛渚乃山名非縣名

其南縣南二字之上有脫文牛渚在今當塗縣西北二

十里石城故城在今貴池縣西七十里道元辯經之誤

云不得逕牛渚而方屆石城也今攷石城不特在牛渚

西且在居巢西居巢故城在今巢縣東北五里漢書地

理志丹陽郡石城下云分江水首受江東至餘姚入海  
餘姚當是餘杭之誤作水經者本之曰至石城縣分為

二其一東北流其一又過毗陵縣北為北江又東至會稽餘姚縣東入於海以地望推之訛舛不可通沔水與江合流又東過彭蠡澤下當云又東過皖縣南又東至石城縣分為二其一東北流又東北出居巢縣南又東過牛渚又過毗陵縣北為北江其一東至會稽餘杭縣東入於海則與漢志適協不言北江所終者水經之末記禹貢山水澤地所在云北江在毗陵北界東入海大江源委固首尾完備矣然沔水經文自彭蠡以下在道元時已倒亂道元雖正其失而言之亦未能明析是以自言緝綜所踵未必一得其實也

經所謂石城縣者即宣城郡之石城縣也牛渚在姑熟烏江兩縣界中於石城東北減五百許里安得逕牛渚而方屆石城也蓋經之謬誤也

分為二其一東北流其一案此二字當在東至會稽餘姚縣之上又過毗陵縣北為北江

地理志毗陵縣會稽之屬縣也

案近刻志下衍曰字會稽上衍舊字復脫

也丹徒縣北二百步有故城

案縣下近刻行也字本毗陵郡治

也舊去江三里岸稍毀遂至城下城北有揚州刺史

劉繇墓淪於江江即北江也經書為北江則可

案為近刻

訛作在又言東至餘姚則非攷其逕流知經之誤矣地

理志曰江水自石城東出逕吳國南為南江案地理丹陽

郡石城下云分江水首受江東至餘姚入海於會稽

郡吳下雲南江在南東入海本屬二水各不相蒙道

元合之為一非也

江水自石城東入為貴口東逕石城縣北

晉太康元年立

案近刻脫立字

隸宣城郡東合大溪

案大近刻訛作

天溪水首受江北逕其縣故城東又北入南江南江

又東與貴長池水合

案此十字原本及近刻並訛作經攷江水自石城東入以下並

注內叙分江水所逕今改正

水出縣南郎山北流為貴長池池水

又北注於南江南江又東逕宣城之臨城縣南

案此十二

字原本及近刻並訛作經又東訛作又南東

又東合涇水

案合下近刻衍注字

南江

又東與桐水合

案此八字原本及近刻竝訛作經

又東逕安吳縣號

曰安吳溪又東旋溪水注之水出陵陽山下逕陵陽

縣西為旋溪水昔縣人陽子明釣得白龍處後三年

龍迎子明上陵陽山山去地千餘丈後百餘年呼山

下人令上山半與語溪中子安問子明釣車所在後

二十年子安死山下有黃鶴栖其冢樹鳴常呼子安

故縣取名焉晉咸康四年改曰廣陽縣溪水又北

案漢溪

合東溪水水出南里山北逕其縣東桑欽曰

近刻訛  
作漢

淮水出縣之東南北入大江

案此水今亦名小淮河

其水又北

歷蜀山又北左合旋溪北逕安吳縣東晉太康元

年分宛陵立縣南有落星山山有懸水五十餘丈下

為深潭潭水東北流左入旋溪而同注南江南江之

北即宛陵縣界也

案近刻脫南江二字

又東逕寧國縣南

案此九字原本及近刻竝訛作經

晉太康元年分宛陵置南江又東

逕故鄣縣南安吉縣北光和之末天下大亂此鄉保

險守節

案近刻脫鄉字

漢朝嘉之中平二年分故鄣之南鄉

以為安吉縣縣南有釣頭泉懸湧一仞乃流於川川

水下合南江南江又東北為長瀆歷湖口

案此十一字原本反

近刻竝訛作經

湖口訛作河口

南江東注於具區

案南江近刻訛作江南

謂之

五湖口五湖謂長蕩湖太湖射湖貴湖滆湖也

案近刻蕩

訛作塘射湖脫湖字

貴湖下行上湖二字郭景純江賦曰注五湖以漫漭

蓋言江水經緯五湖而苞注太湖也是以左丘明述

國語曰越伐吳

案此下近刻衍而字

戰於五湖是也又云范蠡

滅吳返至五湖而辭越斯乃太湖之兼攝通稱也

案近

刻脫虞翻曰是湖有五道故曰五湖韋昭曰五湖今  
兼字

太湖也尚書謂之震澤爾雅以為具區方圓五百里  
湖有苞山春秋謂之夫椒山有洞室入地潛行北通  
琅邪東武縣俗謂之洞庭旁有青山一名夏架山山  
有洞穴潛通洞庭山上有石鼓長丈餘鳴則有兵故  
吳記曰太湖有苞山在國西百餘里居者數百家出  
弓弩材旁有小山山有石穴南通洞庭深遠莫知所  
極三苗之國左洞庭右彭蠡今宮亭湖也以太湖之

洞庭對彭蠡則左右可知也余按二湖俱以洞庭為目者亦分為左右也但以趣矚為方耳既據三苗宜以湘江為正是以郭景純之江賦云爰有包山洞庭巴陵地道潛達旁通幽岫窈窕寃山海經曰浮玉之山北望具區苔水出於其陰北流注於具區謝康樂云山海經浮玉之山在句餘東五百里案近刻訛便是句餘縣之東山乃應入海句餘案近刻訛作具區脫百字今在餘姚鳥道山西北案近刻脫西字何由北望具區也以為郭於地理

甚昧矣言洞庭南口有羅浮山高三千六百丈浮山東石樓下有兩石鼓叩之清越所謂神鉦者也事備羅浮山記會稽山宜直湖南又有山陰溪水入焉山陰西四十里案山陰下近刻衍縣字有二溪東溪廣一丈九尺冬煖夏冷西溪廣三丈五尺冬冷夏煖二溪北出行三里至徐村合成一溪廣五丈餘而溫涼又雜蓋山海經所謂茗水也北逕羅浮山而下注於太湖故言出其陰入於具區也湖中有大雷小雷三山亦謂之

三山湖又謂之洞庭湖楊泉五湖賦曰

案泉近刻  
訛作修頭

首無錫足蹏松江負鳥程於背上懷太吳以當胷

嶺崔嵬穹隆紓曲大雷小雷湍波相逐用言湖之危

極也太湖之東吳國西十八里有峯嶺山俗說此山

本在太湖中

案近刻  
脫山字

禹治水移進近吳

案近刻  
脫作近東

又

東及西南有兩小山

案近刻  
脫東及二字

皆有石如卷筭俗云

禹所用牽山也太湖中有淺地長老云是筭嶺山蹠

自此以東

案東近刻  
訛作求

言是牽山之溝此山去太

湖三十餘里東則松江出焉案此六字原本及近刻  
注內叙太湖之水下流竝訛作經攷以下皆係  
注海為三江者今改正上承太湖更逕笠澤在吳南  
松江左右也國語曰越伐吳吳禦之笠澤越軍江南  
吳軍江北者也虞氏曰松江北去吳國五十里江側  
有丞胥二山山各有廟案此下近刻有國南五  
十里五字係重出衍文魯哀公十三年越使二大夫疇無餘謳陽等伐吳吳人敗  
之獲二大夫大夫死故立廟於山上號曰丞胥二王  
也胥山上今有壇石長老云胥神所治也下有九折

路南出太湖闔閭造以遊姑胥之臺以望太湖也松江自湖東北流逕七十里江水歧分謂之三江口案此九字原本及近刻竝訛作經近刻歧訛作竒吳越春秋稱范蠡去越乘舟出三江之口入五湖之中者也此亦別為三江五湖雖名稱相亂案近刻脫名字不與職方同庾仲初揚都賦注曰案近刻脫賦字今太湖東注為松江下七十里有水口分流東北入海為婁江東南入海為東江與松江而三也吳記曰一江東南行七十里入小湖為次溪自湖

東南出謂之谷水

案谷水上近刻衍為字此句之下衍吳記曰三字

谷水出

吳小湖逕由卷縣故城下神異傳曰由卷縣秦時長

水縣也始皇時縣有童謠曰城門當有血城陷沒為

湖有老嫗聞之憂懼旦往窺城門門侍欲縛之嫗言

其故嫗去後門侍殺犬以血塗門嫗又往見血走去

不敢顧忽有大水長欲沒縣主簿令幹入白令令見

幹曰何忽作魚幹又曰明府亦作魚遂乃淪陷為谷

矣因目長水城水曰谷水也吳記曰谷中有城故由

卷縣治也即吳之柴辟亭

案辟近刻訛作辟

故就李鄉構李

之地秦始皇惡其勢王令囚徒十餘萬人汙其土表

以汙惡名改曰囚卷亦曰由卷也吳黃龍三年

案近刻訛

作四年

有嘉禾生卷縣改曰禾興後太子諱和改為嘉

興春秋之構李城也谷水又東南逕嘉興縣城西谷

水又東南逕鹽官縣故城南舊吳海昌都尉治晉太

康中分嘉興立

案近刻訛作治

太康地道記吳有鹽官縣樂

資九州志曰縣有秦延山

案廷近刻訛作逕

秦始皇逕此美

人死葬於山上山下有美人廟谷水之右有馬臯城  
故司鹽都尉城吳王濞煮海為鹽於此縣也是以漢  
書地理志曰縣有鹽官東出五十里有武原鄉故越  
地也秦於其地置海鹽縣地理志曰縣故武原鄉也  
後縣淪為柘湖又徙治武原鄉改曰武原縣王莽名  
之展武案展近刻訛作辰漢安帝時案近刻脫時字武原之地又淪  
為湖今之當湖也後乃移此縣南有秦望山秦始皇  
所登以望東海故山得其名焉谷水於縣出為澉浦

案澈近刻  
訛作散

以通巨海

案引吳記至此胡渭云即庾仲初所謂東南入海為東江者也

光熙元年有毛民三人集於縣蓋汎於風也

又東至會稽餘姚縣東入於海

謝靈運云具區在餘暨

案近刻  
訛作餘姚

然則餘暨是餘姚

之別名也今餘暨之南餘姚西北浙江與浦陽江同會歸海但水名已殊非班固所謂南江也郭景純曰三江者岷江松江浙江也然浙江出南蠻中不與岷江同作者述志多言江水至山陰為浙江今江南枝

分歷烏程縣南通餘杭縣則與浙江合故閩駢十三

州志曰江水至會稽與浙江合

案此所謂歷烏程縣南通餘杭縣則與浙

江合者乃漢志所謂分江水之正流非南江枝分也然則漢志餘姚為餘杭之誤以此證之甚明

浙江自臨平湖南通浦陽江又於餘暨東合浦陽江自

秦望分派東至餘姚縣

案近刻脫至字又為江也

案此下叙姚江在餘

姚縣南者其水非浦陽江之分派道元欲附會經東至餘姚入海之文故有此說

東與車箱

水合水出車箱山乘高瀑布四十餘丈雖有水旱而

澍無增減江水又東逕黃橋下

案此八字原本及近刻竝訛作經攷浙江

自臨平湖南通浦陽江以下乃注內因經之訛別叙餘姚之水臨江有漢蜀郡太守黃昌宅橋本昌創建也昌為州書佐妻遇賊相失後會於蜀復修舊好江水又東逕赭山南翻嘗登此山四望誠子孫可居江北世有祿位居江南則不昌也然住江北者相繼代興時在江南者案在近刻訛作有輒多淪替仲翔之言為有徵矣江水又經官倉倉即日南太守虞國舊宅號曰西虞以其兄光居縣東故也是地即其雙鴈送故處江水又東逕餘姚

案赭近刻訛作緒

虞

縣故城南

案此十  
字原本及近刻竝訛作經攷經  
有至會稽餘姚之文故注以縣南水當之

縣城是吳將朱然所築南臨江津北背巨海夫子所

謂滄海浩浩萬里之淵也縣西去會稽百四十里因

句餘山以名縣

案因下近  
刻行其字

山在餘姚之南句章之北

也江水又東逕穴湖塘湖水沃其一縣竝為良疇矣

江水又東注於海

案此七字原本及  
近刻竝訛作經

是所謂三江者

也故子胥曰吳越之國三江環之民無所移矣但東

南地卑萬流所湊濤湖泛決觸地成川枝津交渠世

家分夥故川舊瀆難以取悉雖龐依縣地緝綜所經亦未必一得其實也

潛水出巴郡宕渠縣

潛水蓋漢水枝分潛出故受其稱耳今爰有大穴潛水入焉通岡山下西南潛出謂之伏水或以為古之潛水鄭玄曰漢別為潛其穴本小水積成澤流與漢合大禹自導漢疏通即為西漢水也故書曰沱潛既道劉澄之稱白水入潛然白水與羌水合入漢是猶

漢水也縣以延熙中分巴立宕渠郡蓋古寶國也今有寶城縣有渝水夾水上下皆寶民所居漢祖入闕從定三秦其人勇健好歌儻高祖愛習之今巴渝儻是也縣西北有徐曹水南逕其縣下注潛水縣有車騎將軍馮緹桂陽太守李溫冢二子之靈常以三月還鄉漢水暴長案近刻脫漢字長郡縣吏民莫不於水上祭之

案近刻脫之字今所謂馮李也

又南入於江

庾仲雍云墊江有別江出晉壽縣即潛水也其南源

取道巴西

案近刻  
脫道字

是西漢水也

湍水出酈縣北芬山南流過其縣東又南過冠軍縣東

湍水出弘農界翼望山水甚清徹東南流逕南陽酈

縣故城東

案近刻  
脫陽字

史記所謂下酈析也

案近刻  
脫析字漢武

帝元朔元年封左將黃同為侯國湍水又南菊水注

之水出西北石澗山芳菊溪亦言出析谷蓋溪澗之

異名也源旁悉生菊草潭澗滋液極成甘美云此谷

之水土餐挹長年司空王暢太傅袁隗太尉胡廣竝汲飲此水以自綏養是以君子留心甘其臭尚矣荀水東南流入於湍湍水又逕其縣東南歷冠軍縣西北有楚堨高下相承八重周十里方塘蓄水澤潤不窮湍水又逕冠軍縣故城東縣本穰縣之盧陽鄉宛之臨馳聚漢武帝以霍去病功冠諸軍故立冠軍縣以封之水西有漢太尉長史邑人張敏碑碑之西有魏征南軍司張詹墓墓有碑碑背刊云白楸之棺易

朽之裳銅鐵不入丹器不藏

案丹近刻訛作凡

嗟矣後人幸

勿我傷自後古墳舊冢莫不夷毀而是墓至元嘉初

尚不見發六年大水蠻饑始被發掘說者言初開金

銀銅錫之器朱漆雕刻之飾爛然有二朱漆棺棺前

垂竹簾隱以金釘墓不甚高而內極寬大虛設白楸

之言空負黃金之寶雖意錮南山寧同壽乎湍水又

逕穰縣為六門陂漢孝元之世

案元近刻訛作成

南陽太守

邵信臣以建昭五年斷湍水立穰西石堨

案堨近刻訛作碣

至元始五年更開三門為六石門故號六門堨也溉  
穰新野昆陽三縣五千餘頃漢末毀廢遂不修理晉  
太康三年鎮南將軍杜預復更開廣利加於民今廢  
不修矣六門側又有六門碑案又近刻訛作猶是部曲主安  
陽亭侯鄧達等以太康五年立湍水又逕穰縣故城  
北又東南逕魏武故城之西南是建安三年曹公攻  
張繡之所築也

又東過白牛邑南

湍水自白牛邑南建武中世祖封劉嵩為侯國

案此下近

刻行湍水  
又三字

東南逕安衆縣故城南縣本宛之西鄉漢

長沙定王子康侯丹之邑也湍水東南流涅水注之

水出涅陽縣西北岐棘山東南逕涅陽縣故城西漢

武帝元朔四年封路最為侯國王莽之所謂前亭也

應劭曰在涅水之陽矣縣南有二碑碑字斁滅不可

復識云是左伯豪碑

案伯豪近刻訛作桃伯

涅水又東南逕安

衆縣竭而為陂謂之安衆港魏太祖破張繡於是處

與荀或書曰繡遏吾歸師迫我死地蓋於二水之間  
以為沿涉之艱阻也涅水又東南流注於湍水

又東南至新野縣

湍水至縣西北東分為鄧氏陂漢太傅鄧禹故宅與  
奉朝請西華侯鄧晨故宅隔陂案近刻與訛作其華訛作亭鄧勝  
謂晨宅畧存焉案謂近刻訛作為

東入於清案此四字原本訛入注內接畧存焉下近刻仍作經文接又東南至新野縣下

均水出析縣北山南流過其縣之東

均水發源弘農郡之盧氏縣熊耳山山南即修陽葛  
陽二縣界也雙峯齊秀望若熊耳因以為名齊桓公  
名陵之會西望熊耳即此山也太史公司馬遷皆嘗  
登之縣即析縣之北鄉故言出析縣北山也

案近刻脫山字

均水又東南流逕其縣

案流下近刻行注字

下南越南鄉縣

案下

南越三字有舛誤當作又南逕又南流與丹水合

又南當涉都邑北南入於沔

均水南逕順陽縣西漢哀帝更為博山縣明帝復曰

順陽應劭曰縣在順水之陽今於是縣則無聞於順

水矣章帝建初四年封衛尉馬廖為侯國

案廖近刻訛作康

晉太康中立為順陽郡縣

案近刻脫郡字

西有石山南臨均

水均水又南流注於沔水謂之均口者也故地理志

謂之清水言熊耳之山清水出焉又東南至順陽入

於沔

案地理志宏農郡盧氏熊耳山

在東又有育水南至順陽入沔

粉水出房陵縣東流過鄖邑南

粉水導源東流逕上粉縣

案逕近刻訛作注

取此水以漬粉

則皓耀鮮潔有異衆流故縣水皆取名焉

又東過穀邑南東入於沔

案此十字原本訛入  
注內近刻仍為經文

粉水至筑陽縣西而下注於沔水謂之粉口

案近刻  
訛作水

粉水旁有文將軍冢

案近刻  
脫旁字

墓隧前有石虎石柱甚

修麗間丘羨之為南陽葬婦墓側將平其域夕忽夢

文諫止羨之不從後羨之為楊佺期所害論者以為

文將軍之祟也

白水出朝陽縣西東流過其縣南

王莽更名朝陽為厲信縣

案近刻訛作王莽更之  
案近刻訛作王莽更之  
曰朝陽也為厲信縣

劭曰縣在朝水之陽今朝水逕其北而不岀其南也

蓋邑郭淪移川渠狀改故名舊傳遺稱在今也

又東至新野縣南

案近刻訛  
作縣西

東入於清

比水出比陽東北太胡山

案比原本及近刻竝訛作沘  
注內同卷之三十二沘水亦

訛作泚攷漢書地理志南陽郡比陽應劭曰比水所出  
東入蔡又廬江郡灊縣沘山沘水所出北至壽春入芍  
陂師古曰音比又布几反

東南流過其縣南

案過近刻  
訛作逕

泄水從南來注之

太胡山在比陽北如東三十餘里廣圓五六十里張衡賦南都所謂天封太孤者也應劭曰比水出比陽縣東入蔡經云泄水從南來注之然比陽無泄水蓋誤引壽春之沘泄耳余以延昌四年蒙除東荊州刺史州治比陽縣故城城南有蔡水出南磐石山故亦曰磐石川西北流注於比非泄水也呂氏春秋曰齊令章子與韓魏攻荆荆使唐蔑應之夾比而軍欲視水之深淺荆人射之而莫知也有芻者曰兵盛則水

淺矣章子夜襲之斬蔑於是水之上也比水又西湧  
冰注之水北出茈丘山東流屈而南轉又南入於比  
水按山海經云湧水又北入視不注比水余按呂忱  
字林及難字爾雅竝言藥水在比陽脈其川流所會  
診其水土津注宜是藥水音藥也比水又西南歷長  
岡舊月城北案舊字近刻訛在北字下比水右會馬仁陂水水出  
漁陰北山泉流競湊水積成湖蓋地百頃謂之馬仁  
陂陂水歷其縣下西南竭之以溉田疇公私引梨案近

刻訛  
作列

水流遂斷故瀆尚存比水又南逕會口與堵水

枝津合

案堵近刻  
訛作緒

比水又南與澧水會澧水源出於

桐柏山與淮同源而別流西注故亦謂水為派水澧

水西北流逕平氏縣故城東北王莽更名其縣曰平

善城內有南陽都鄉正衛彈勸碑澧水又西北合澧

水水出湖陽北山

案陽近刻  
訛作南

西流北屈逕平氏城西

而北入澧水澧水又西注比水比水自下亦通謂之

為派水昔漢光武破甄阜梁丘賜於比水西斬之於

斯水也比水又南趙醴二渠出焉

案醴近刻作澧

比水又西

南流謝水注之水出謝城北其源微小

案其近刻訛作二

至

城漸大城周迴側水申伯之都邑

案近刻脫此五字

詩所謂

申伯番番既入於謝者也世祖建武十三年封樊重

少子丹為謝陽侯即其國也然則是水即謝水也高

岸下深

案近刻脫高字

浚流徐平時人目之為渟澗水城戍

又以渟澗為目非也其城之西舊棘陽縣治故亦謂之棘陽城也謝水又東南逕新都縣左注比水比水

又西南流逕新都縣故城西王莽更之曰新林郡國志以為新野之東鄉故新都者也

又西至新野縣南入於淯

比水於岡南西南流戍在岡上比水又西南與南長坂門二水合其水東北出湖陽東隆山山之西側有漢日南太守胡著碑子珍騎都尉尚湖陽長公主即光武之伯姊也廟堂皆以青石為階陛廟北有石堂珍之玄孫桂陽太守湯以延熹四年遭母憂於墓次

立石祠勒銘於梁石字傾頽而梁字無毀盛弘之以為樊重之母畏雷室蓋傳疑之謬也隆山南有一小山山坂有兩石虎相對夾隧道雖處蠻荒全無破毀作制甚工信為妙矣世人因謂之為石虎山其水西南流逕湖陽縣故城南地理志曰故廖國也竹書紀年曰楚共王會宋平公於湖陽者矣東城中有二碑似是樊重碑悉載故吏人名司馬彪曰仲山甫封於樊因氏國焉爰自宅陽徙居湖陽能治田殖至三百

頃廣起廬舍

案近刻  
脫廣字

高樓連閣波陂灌注竹木成林

六畜放牧魚蠃梨果檀棘桑麻閑門成市兵弩器械

貲至百萬其興工造作無窮之功

案近刻  
脫功字

巧不可

言富擬封君世祖之少數歸外氏及之長安受業齋

送甚至世祖即位追爵敬侯詔湖陽為重立廟置吏

奉祠巡祠章陵常幸重墓其水四周城溉城之東南

有若令樊萌中常侍樊安碑城南有數碑無字又有

石廟數間依於墓側棟宇崩毀惟石壁而已亦不知

誰之胄族矣其水南入大湖湖陽之名縣藉茲而納  
稱也湖水西南流又與湖陽諸陂散水合謂之板橋  
水又西南與醴渠合又有趙渠注之二水上承派水  
南逕新都縣故城東兩瀆雙引南合板橋水板橋水  
又西南與南長水會水上承唐子裏鄉諸陂散流也  
唐子陂在唐子山西南有唐子亭漢光武自新野屠  
唐子鄉殺湖陽尉於是地陂水清深光武後以為神  
淵西南流於新野縣與板橋水合西南注於比水比

水又西南流注於清水也

水經注卷二十九